



Broj: 05/01-05-1500-1/17
Sarajevo, 08.03.2017. godine

SKUPŠTINA KANTONA SARAJEVO

**- Ovdje-
n/r Ana Babić, predsjedateljica**

PREDMET: Odgovor na postavljeno zastupničko pitanje, dostavlja se

Zastupnik Mirsad Pindžo je na 25. radnoj sjednici Skupštine Kantona Sarajevo, održanoj dana 07.02.2017. godine, u okviru Dnevnog reda "Zastupnička pitanja, inicijative i odgovori" u skladu sa Poslovníkom Skupštine Kantona Sarajevo, postavio zastupničko pitanje, te isto dostavio u pisanoj formi.

PITANJE:

"Tražim od Vlade Kantona Sarajevo da putem resornih ministarstava i drugih resornih organa dostavi sljedeće izvještaje:

- Ukupno ostvareni namjenski prihodi u budžetu Kantona Sarajevo u 2016. godini za vode, šume, poljoprivredno zemljište, zaštitu okoliša, saobraćaja, zaštite i spasavanja, civilne zaštite idr.
- Raspored namjenskih sredstava Programima, odlukama, zaključcima idr. Vlade ili nadležnih resornih organa, kome, za koje namjene i iznose po korisnicima i programima.
- Izvještaj o utrošku namjenskih sredstava svih korisnika, nosilaca realizacije programa i projekata pojedinačno.
- Izvještaje nadležnih resornih organa o monitoringu i evaluaciji odobrenih programa i projekata.

Obrazloženje:

Sve češće se govori o smanjenju "nameta" privredi zacrtanih u "reformskoj agendi" sa posebnim naglaskom na tzv. parafiskalne namete i njihovom smanjenju ili čak ukidanju pa bi bilo korisno imati na jednom mjestu sve prikupljene prihode za ove namjene za jednu kalendarsku godinu a posebno analizirati utrošek tih sredstava i postignute efekte realizacijom programa i projekata finansiranim ovim sredstvima."



ODGOVOR:

Ministarstvo prostornog uređenja , građenja i zaštite okoliša ostvaruje prihod na osnovu sljedećih namjenskih naknada za zaštitu okoliša:

722551 - Naknada zagađivača okoliša pravnih lica

722552 – naknada zagađivača okoliša fizičkih lica

722553 – Naknada korisnika okoliša pravnih osoba

722555 - Posebna naknada za okoliš koju plaćaju pravne osobe pri svakoj registraciji motornih vozila

722556 - Posebna naknada za okoliš koju plaćaju fizičke osobe pri svakoj registraciji motornih vozila

U skladu sa tačkom 18. podtačka 18.7- Naknade za zaštitu okoliša, Pravilnika o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine ("Službene novine Federacije BiH broj:33/16), uplaćuju se na Depozitni račun Fonda za zaštitu okoliša Federacije Bosne i Hercegovine i raspoređuju srazmjerno prikupljenim prihodima iz svakog kantona posebno u sljedećem omjeru: 30% Fondu za zaštitu okoliša Federacije BiH i 70% se raspoređuje u budžet Kantona. Visina i način plaćanja posebnih naknada propisana je Uredbom o posebnim naknadama za okoliš koje se plaćaju plaćaju pri svakoj registraciji vozila ("Službene novine Federacije BiH br.14/11 i 26/11).

Ukupno planirani namjenski prihodi u Budžetu Kantona Sarajevo za razdjel 33 – Ministarstvo prostornog uređenja, građenja i zaštite okoliša iznose 2.340.000KM i raspoređeni na rashodovnoj strani Budžeta za realizaciju programa Ministarstva koji se odnose na zaštitu kvaliteta zraka, mjerenju kvaliteta zraka, izradi Kantonalnog plana zaštite okoliša, izradi plana upravljanja otpadom u Kantonu, kao i potpori u radu ekoloških udruženja i obezbjeđenje investicije u za povećanje energetske efikasnosti stambenih i javnih objekata u Kantonu. Ukupno utrošena namjenska sredstva u 2016. godini iznose 1.959.665 KM. Cilj programa i utroška namjenskih sredstava je zaštititi zdravlja stanovništva, biljnog i životinjskog svijeta i poboljšanje uslova života i rada u stambenim i javnim objektima.

U cilju obavljanja svojih obaveza Ministarstvo organizuje uspostavljanje i vođenje registra emisije za Kanton Sarajevo, vođenje registra pogona za sagorevanje, ocjenu kvaliteta zraka i nadzor nad emisijom u zrak na području Kantona Sarajevo. Sastavni dio osiguranja kvaliteta zraka je i komunikacija sa javnošću putem davanja informacija o emisiji i kvalitetu zraka, te davanje omogućavanje građanima i drugim zainteresovanim stranama da mogu uticati na donošenje planova i odluka od kojih zavisi kvalitet zraka. U skladu sa ugovorom zaključenim sa Zavodom za javno zdravstvo Kantona Sarajevo o vršenju monitoringa kvaliteta zraka, na iznos od 109.800 KM, vrši se praćenje kvaliteta zraka na području Kantona Sarajevo na tri stanice za automatski monitoring. Informacije i ocjena kvaliteta zraka, u skladu sa važećim propisima iz oblasti zaštite zraka za svaki dan, prezentuje se na web stranici Ministarstva. Takođe, Zavod daje komentare i informacije sa gledišta zaštite zdravlja građana, te preporuke i uputstava za pojedine kategorije stanovništva. Planira se i nastavak monitoringa čađi na najmanje tri lokaliteta u uslovima povećane koncentracije polutanata u zraku parametara zagađenja sumpor dioksida i čađi, konkretna mjerenja monitoringa kvaliteta zraka u funkciji rada ekološke inspekcije, te davanje stručnih mišljenja.



web: <http://mpz.ks.gov.ba>
e-mail: mpgz@mpz.ks.gov.ba
Tel: + 387 (0) 33 562-029, Fax: + 387 (0) 33 562-031

Sarajevo, Reisa Džemaludina Čauševića 1



Tekući transfer za zaštitu okoliša ima pravni osnov u Zakonu o zaštiti okoliša (“Službene novine Federacije BiH”, br. 33/03 i 38/09) i sredstva planirana u Budžetu za 2016. godinu, utrošena za su za podršku konkretnih ekoloških akcija udruženja, institucija i pojedinaca, kao što su ekološke akcije čišćenja i uređenja, zbrinjavanja otpada, te različiti oblici ekološke edukacije svih grupacija stanovništva u funkciji podizanja nivoa obrazovanja i svijesti o potrebi očuvanja okoliša. Sredstva Tekućeg transfera za zaštitu okoliša su namijenjena i za interventne ekološke aktivnosti na području Kantona Sarajevo prilikom primjene Plana interventnih mjera u slučajevima prekomjerne zagađenosti zraka u Kantonu Sarajevo, kao i drugih mjera kojim se unapređuje stanje okoliša ili eventualno sprečavaju određene negativne posljedice po okoliš.

Ministarstvo prostornog uređenja, građenja i zaštite okoliša podržava i rad Laboratorije za paleonologiju Prirodno.-matematičkog fakulteta, koja vrši mjerenje prisustva polena u zraku, u periodu rasta i cvjetanja vegetacije. Za ovu vrstu aktivnosti planiran je i utrošen dio namjenskih sredstava za zaštitu okoliša. Mjerenje se vrši na dvije lokacije: Pofalići i Stari Grad, a rezultati se plasiraju putem web stranice Kantona Sarajevo i sredstava javnog informisanja. Radi se o informacijama od značaja za veliki broj stanovništva, posebno za osobe koje imaju alergene smetnje. Aktivnost Ministarstva i Laboratorije PMF-a u ovom smislu izrazito je značajna za praćenje najalergenije biljne vrste (ambrozije), koja uzrokuje štetne posljedice na zdravlje velikog broja stanovnika.

Implementacija Plana upravljanja otpadom koji je usvojila Skupština Kantona Sarajevo 21.07.2015. godine svoj pravni osnov ima u Zakonu o upravljanju otpadom (“Službene novine FBiH” br. 33/03 i 72/09) i Odluka o donošenju Plana upravljanja otpadom Kantona Sarajevo za period 2015. - 2020. godina (“Službene novine Kantona Sarajevo” broj 29/15.). Planirano je i u Strategiji razvoja Kantona Sarajevo do 2020. strateški cilj 4. Odgovorno upravljati okolišem, prostorom, prirodnim i infrastrukturnim resursima i predloženo u Programu javnih investicija Kantona Sarajevo 2017-2019. godine.. Monitoring nad implementacijom Plana vrši Kantonalni odbor za upravljanje otpadom. U procesu implementacije Plana vrši se realizacija aktivnosti na realizaciji općinskih elaborata o lokacijama reciklažnih dvorišta, niša i zelenih otoka u svim općinama Kantona Sarajevo, te na nabavci mobilne drobilice za građevinski otpad i kompostane za otpad koji nastaje održavanjem zelenih površina.

Zakon o zaštiti okoliša Federacije BiH (“Službene novine Federacije BiH”, br. 33/03 i 38/09) propisuje obavezu izrade i donošenja Kantonalnog plana zaštite okoliša za period 2016.-2021.godina (KEAP), čija je izrada u toku i koji tretira i određuje ciljeve i smjernice očuvanja biološke i pejzažne raznolikosti, načine provođenja u skladu sa ukupnim privrednim, društvenim i kulturnim razvojem Kantona Sarajevo. Ministarstvo je potpisalo sa Zavodom za izgradnju Kantona Sarajevo Sporazum o stručno-tehničkoj podršci pri izradi KEAP-a. Sredstva koja su doznačena u 2016. godini utrošena su za provođenje aktivnosti tenderske procedure za javnu nabavku usluge izbora najpovoljnijeg ponuđača za izradu Projektnog zadatka.

Donošenje Plana upravljanja i Prostornog plana područja posebnog obilježja propisana je obaveza u skladu sa Federalnim zakonom o zaštiti prirode. Prostorni plan uređuje organizaciju prostora, način korištenja, uređenja i zaštite prostora, a isti donosi Skupština Kantona Sarajevo. Plan upravljanja zaštićenim područjem donosi Vlada KS za period od deset godina, na prijedlog Ministarstva, a isti određuje razvojne smjernice, način izvođenja zaštite, korištenja i upravljanja zaštićenim područjem, te pobliže smjernice za zaštitu i očuvanje prirodnih vrijednosti zaštićenog područja uz uvažavanje potreba lokalnog stanovništva. Dio namjenskih sredstava iskorišten je i za Plana upravljanja područja posebnog obilježja za ZP “Trebević”.

U skladu sa Zakonom o upravljanju otpadom Federacije BiH i Planom upravljanja otpadom Kantona Sarajevo, predviđena je izgradnja savremenog Centra za upravljanje otpadom, na lokaciji Sarajevske deponije. U skladu s tim, obezbijedena je projektna dokumentacija za izgradnju



web: <http://mpz.ks.gov.ba>
e-mail: mpgz@mpz.ks.gov.ba
Tel: + 387 (0) 33 562-029, Fax: + 387 (0) 33 562-031

Sarajevo, Reisa Džemaludina Čauševića 1



deponije za odlaganje inertnog materijala u okviru deponije «Smiljevići», te reciklažnog dvorišta i izvršen otkup zemljišta u cilju proširenja deponije.

Sporazum o podjeli troškova na Projektu: "Zeleni ekonomski razvoj", u dijelu koji se odnosi na aktivnost: "Povećanje energetske efikasnosti javnih objekata u Kantonu Sarajevo", potpisan je dana 10.12.2015. godine, za što su u početku izdvojena sredstva u ukupnoj vrijednosti od 1.200.000,00 KM, od čega 700.000,00 KM iz Budžeta KS za 2015. godinu, dok je preostalih 500.000,00 KM obezbijedio UNDP. U međuvremenu je Ministarstvo u Budžetu Kantona Sarajevo za 2016. godinu obezbijedilo dodatnih 790.000,00 KM iz namjenskih sredstava Federalnog fonda za zaštitu okoliša. Sredstva za realizaciju ovog projekta u 2016. godini utrošena su za utopljanje škola i javnih objekata u Kantonu. Povećanje energetske efikasnosti u stambenim zgradama na području općina Kantona, realizovano je kroz Sporazumom sa Općinom Novi Grad za utopljanje objekata na području ove Općine.

Takođe treba naglasiti da pored utroška namjenskih sredstava za realizaciju programa Ministarstvasu bila potrebno obezbijediti i dodatnih sredstava. Tako je za realizaciju izrade kompostane u sklopu programa Implementacije plana upravljanja otpadom iz Budžeta uplaćeno 200.000 KM, za program Pretvaranja odlagališta Smiljevići u Centar za upravljanje otpadom iznos od 1.400.000 KM za nabavku kompaktora i formiranje reciklažnog dvorišta.

S poštovanjem,

MINISTAR

Čedomir Lukić dipl. ing. arh.

Obradila: Nevenka Grabovac, stručni savjetnik

Dostaviti:

- Naslovu**
- sekretar Skupštine Kantona Sarajevo**
- sekretar Vlade Kantona Sarajevo**
- a/a**



web: <http://mpz.ks.gov.ba>
e-mail: mpgz@mpz.ks.gov.ba
Tel: + 387 (0) 33 562-029, Fax: + 387 (0) 33 562-031
Sarajevo, Reisa Džemaludina Čauševića 1

